

დადგენილება #ე.პ. 0526-22
გაფრთხილების სახით ადმინისტრაციული სახდელის
დადების შესახებ

14 ივლისი 2022

თბილისი

1. დადგენილების გამომტანი ორგანო (თანამდებობის პირი):
ადმინისტრაციული სამართალდარღვევის საქმის განმხილველი კომისია, კომისიის თავმჯდომარე
ნინელი ბოჭორიშვილი
2. საქმის განხილვის თარიღი: 2022 წლის 14 ივლისი
3. ცნობები პირის შესახებ, რომლის მიმართ განიხილება საქმე:

შპს „ერთობა“

მდებარე, იურიდიული მისამართი: ქ.ქუთაისი, სულხან-საბას გამზირი #77, ბინა #4

საიდენტიფიკაციო კოდი #412757191

ფაქტობრივი ადგილსამყოფელი: ქარელის რაიონი, სოფელი რუისი

4. საქმის განხილვისას დადგინდა შემდეგი გარემოებები:

2022 წლის 04 ივლისს, სოფელ რუისში რეგისტრირებული აბონენტის შპს „ერთობა“-ს (აბონენტის №3810366221) აღრიცხვის კვანძის შემოწმებისას, აღმოჩნდა, რომ აბონენტი მრიცხველის გვერდის ავლით მოიხმარდა ელ.ენერგიას, კერძოდ, შპს „ერთობა“-ს ობიექტის მკვებავი სადენი (4X120მმ²) საანგარიშსწორებო მრიცხველის გვერდის ავლით დაერთებული იყო საბალანსო მრიცხველის ავტომატურ ამომრთველზე, რის გამოც აბონენტის მიერ მოხმარებული ელ.ენერგია არ აღირიცხებოდა აბონენტის მრიცხველით. აღნიშნული ქმედება, წარმოადგენს სამართალდარღვევას, რაზედაც შედგა სამართალდარღვევის ოქმი ას №006193. შპს „ერთობა“-ს მიმართ 2022 წლის 04 ივლისს შედგენილ

სს „ენერგო-პრო ჯორჯია“

ადმინისტრაციული სამართალდარღვევის №006193 ოქმს ხელი მოაწერა ობიექტის წარმომადგენელმა, გივი გრიგორაშვილმა, რომელსაც იქვე გადაეცა ადმინისტრაციული სამართალდარღვევის ოქმი. მან ოქმში, ახსნა-განმარტების გრაფაში, აღნიშნა, რომ ობიექტზე მიყვანილი ყავდათ ელ.მონტორი, რომელსაც სთხოვეს, რომ ობიექტის მკვებავი სადენი დაეერთებინა მრიცხველზე, ვინაიდან თავად ელექტროობაში ვერ ერკვევიან, მათთვის ცნობილი არ იყო, რომ შპს „ერთობა“-ს მრიცხველი მოხმარებულ ელ.ენერგიას არ აღრიცხავდა.

შპს „ერთობა“-ს მიერ ელ.ენერგიის დატაცება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2022 წლის 08 ივლისს ელექტრონულად გამოგზავნილი ინფორმაციით. საქმეში, ასევე, წარმოდგენილია 04.07.2022 წლის №A964306 აღრიცხვის კვანძის შემოწმება-მიღების აქტი, რომლითაც ასევე დასტურდება შპს „ერთობა“-ს მიერ ელ.ენერგიის დატაცების ფაქტი. საქმეში დევს დადასტურება, რომ შპს „ერთობა“-ს ეცნობა საქმის განხილვის დროისა და ადგილის თაობაზე, თუმცა სხდომაზე შპს „ერთობა“-ს წარმომადგენელი არ გამოცხადდა. გამოუცხადებლობის საპატიო მიზეზებისა თუ სხდომის გადადების თაობაზე არანაირი განცხადებით კომისიისთვის არ მოუმართავთ. ამდენად, კომისია უფლებამოსილია მისი დასწრების გარეშე განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება შპს „ერთობა“-ს (ს/კ 412757191) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერგიის დატაცება. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის 12.08.10 #14 და 28.06.21 #19 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, სს ენერგო-პრო ჯორჯიას დირექტორთა საბჭოს თავმჯდომარის 26.01.2022 OR #2022001 ბრძანებით და

დავადგინე:

6. შპს „ერთობა“ (ს/კ 412757191) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედის ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:
ნინელი ბოჭორიშვილი

5. 